

白鸚鵡賦

若夫名依西域族本今南海同朱喙之  
清音變綠衣于素采唯茲鳥之可貴諒  
其媿之斯在爾其入玩于人見珍奇質  
狎蘭房之妖女去桂林之雲日易喬枝  
以羅袖代危巢以瓊室慕侶方遠依人  
永畢託言語而雖通願形影而非正經  
過珠網出入金鋪單鳴無應隻影長孤  
偶白鸚于池側對皓鶴于庭隅愁混色  
而難辨願知名而自呼明心有識懷思  
無極芳樹絕想雕梁撫翼時嚙花而不  
言每投人以方息慧性孤稟雅容非飾  
含火德之明輝被金方之正色至如海  
燕呈瑞有玉筐之可依山雞學舞向寶  
鏡而知歸皆羽毛之偉麗奉日月之光  
輝豈憐茲鳥地遠形微色凌紈質彩奪  
繒衣深籠久閉喬木長違儻見借其羽  
翼與遷鶯而共飛  
退之

乾隆三十六年秋七月五日廣東督學使者  
日講起居注官翰林侍讀學士北平翁方綱  
敬書釋文附勒于石